

ՀԱՅ ԿԵԱՆՔ ԵՒ ԵԿԵՂԵՑԻ

ՏՈՃԿԱՍ.-ՀԱՅԱՍՏԱՆԻ

ԲԱՐԵՆՈՐՈԳՈՒՄՆԵՐԻ ԾՐԱԳԻՐԸ*)

Եւրոպական երկու Ընդհանուր Վերատեսուչներ պիտի կարգուեն Արեւելեան Անատոլիայի երկու հատուածների գլուխ՝ Պարոն A..... գլուխ այն հատուածի, որի մէջ մտնում են Էրզերումի, Տրապիզոնի և Սըվազի վիլայէթները. և Պարոն B..... այն հատուածի գլուխը, որ հասկացւում է Վանի, Բիթլիսի, Պարբերդի և Դիարբէքիւրի վիլայէթները:

Ընդհանուր Վերատեսուչները կունենան իրենց հատուածների վարչական, արդարադատութեան, ոստիկանական և ժանդարմերիական կոնտրօլը:

Այն հանգամանքներում, ուր հանրային ապահովութեան ուժերը անբաւական կգտնուեն, Ընդհանուր Վերատեսուչների խնդրանաց համաձայն, ղինւորական ուժերը պիտի դրուեն իրենց տրամադրութեան տակ, ձեռք առնուած միջոցները գործադրելու համար իր իրաւասութեան սահմաններում:

Ընդհանուր Վերատեսուչները, կարիք եղած դէպքում, պաշտօնանկ են անում այն բոլոր պաշտօնեաներին, որոնց մասին նրանք առաջ կ'հաւաստիանան նրանց անբաւականութեան կամ վատ վարքի նկատմամբ, յանձնելով դատարանին նրանց՝ որոնք օրէնքով պատժուող յանցաւոր գործողութեան մէջ կ'գտնուեն. նրանք փոխարինում են պաշտօնագուրկ ստորակարգ պաշտօնեաներին անուանակիր

*) «Արարատ»ի անցեալ փետրուարի համարում մենք տուել էինք Տաճկա-Հայաստանի բարենորոգումների ծրագրի թարգմանութիւնը «Русское Слово» թերթից առնելով, որովհետեւ այն ժամանակ դեռ հնարաւոր չէր իսկականը տպագրութեան տալ, այժմ այստեղ բերում ենք թարգմանարար Հայրապետական դիւանում ստացուած իսկական փրանսերէն բնագրից:

(titulaires) նորերով, որոնք պիտի լրացնեն օրէնքներով և կանոններով նախատեսած ընդունելութեան և ընդունակութեան պայմանները: Նրանք իրաւունք պիտի ունենան Ն. Մ. Սուլթանի կառավարութեան ներկայացնել կարգուելիք բարձրագոյն պաշտօնեաներ: Պաշտօնակութեան ձեռք առած բոլոր միջոցների մասին նրանք անմիջապէս հաղորդում են հեռագրներով պատշաճաւոր Մինիստրութեան՝ համառօտակի պատճառաբանուած, ութ օրուայ ընթացքում նրանք պիտի ուղարկեն այդ պաշտօնեաների յուշատետր (dossier) և մի զեկուցումն մանրամասն պատճառաբանութիւններով:

Ծանրակշիռ դէպքերում, երբ անհրաժեշտ են ստիպողական կարգադրութիւններ անել, ընդհանուր վերատեսուչները պիտի վայելեն անմիջական կախակալութեան իրաւունք զատական անփոխելի պաշտօնեաների նկատմամբ այն պայմանով, որ անմիջապէս հաղորդուեն շարժառիթները Դատատանական Դեպարտամենտին:

Այն պարագաներում, երբ նրանք կ'հաւաստիանան, որ կուսակալների ձեռքով կատարուած գործողութիւնները պահանջում են չափազանց ստիպողական միջոցների դործադրումն, Ընդհանուր Վերատեսուչները կ'հաղորդեն հեռագրով պատճառը Ն. Ք. Մինիստրութեան, որն անմիջապէս ներկայացնում է Մինիստրական Խորհրդին և վերջինս պիտի որոշում կայացնի ամենաուշ չորս օրուայ ընթացքում՝ հաշուած Ընդհանուր Վերատեսուչի հեռագրի ստացուելուց:

Հողային վէճերը պիտի վճռուեն անմիջական հսկողութեան տակ ընդհանուր վերատեսուչների:

Աւելի մանրամասն հրահանգները, նկատմամբ ընդհանուր վերատեսուչների պարտականութիւնների և իրաւասութիւնների, կաշխատասիրուեն նրանց նշանակուելուց յետոյ և նրանց աջակցութեամբ:

Այն դէպքում, երբ տասն տարուայ ժամանակամիջոցում ընդհանուր վերատեսուչների պաշտօնատեղերը թափուր մնան, Բ. Դուռը ակնկալում է յիշեալ ընդհանուր վերատեսուչներ ընտրելու համար Մեծ Պետութիւնների բարեհաճ աջակցութիւնը:

Օրէնքներ, հրամանագրեր և պաշտօնական յայտարարութիւններ պիտի հրատարակուեն իւրաքանչիւր հատուածում տեղական լեզուներով: Իւրաքանչիւր կողմն իրաւունք պիտի ունենայ ղատարանների և վարչութեան առաջ գործածել իր լեզուն, երբ Ընդհանուր Վերատեսուչը հնարաւոր կ'համարի այդ:

Դատարանների վճիռները պիտի գրուեն թիւրքերէն և, եթէ հնարաւոր է, պիտի կցել կողմերի լեզւով մի թարգմանութիւն:

Ամեն մի վիլայէթի ժողովրդական լուսաւորութեան բիւրօջէում իւրաքանչիւր ազգատարրի (élément ethnique-ունսուր) քաժինը պիտի նշանակուի կրթական տուրքով ժողովրդի լուսաւորութեան համար իր մասնակցութեան համեմատութեամբ: Կայսերական կառավարութիւնը ոչ մի արգելք չ'պիտի յարուցանի հասարակութիւնների մէջ, եթէ կրօնակիցները կ'նպաստեն իրենց դպրոցների պահպանման համար:

Ամեն մի օտոմանցի պարտաւոր է կատարել իր զինւորական ծառայութիւնը խաղաղութեան և հանգստութեան ժամանակ այն զինւորական վերատեսչութեան շրջանում, ուր նա բնակուում է: Այնուամենայնիւ Կայսերական Կառավարութիւնը պիտի ուղարկի, մինչև նոր կարգադրութիւն, Եէմենի, Ասսիրեայի և Նեջդի հեռաւոր տեղեր ցամաքային զինւորական զօրամասեր, որ պիտի հաւաքէ Օտոմանեան Կայսրութեան բոլոր մասերից, այնտեղ բնակուած բնակիչների թուի համեմատութեամբ: Բացի զրանից պիտի զինւորագրի ծովային բանակի համար ամբողջ կայսրութեան միջից առնուած նորակոչեր:

«Համիդէ» զօրագնդերը պիտի վերածուեն պահեստի հեծելազօրքի: Նրանց զէնքերը պիտի պահուեն զինւորական պահեստարաններում և նրանց կ'ըաժանուեն միայն զօրաշարժի կամ ռազմավորձի ժամանակ: Նրանք պիտի գտնուեն իրենց պատկանեալ շրջանի զօրաբանակի հրամանատարներին հրամանների տակ: Խաղաղութեան ժամանակ զօրագնդերի, վաշտերի և հատուածազօրքերի սպաները պիտի

ընտրուեն Օսոմանեան Կայսրութեան գործօն բանակից: Այդ զօրագնդերի զինւորները պիտի ենթարկուեն զինւորական ծառայութեան մի տարի ժամանակով: Այնտեղ ընդունուելու համար իրենք պիտի հայթայթեն իրենց ձիերը դրանց սարք ու կարգով: Ամեն մի մարդ, առանց ցեղի և կրօնի խտրութեան, որ գտնուում է նոյն զինւորական շրջանում և որ կ'համակերպի այդ պահանջներին, պիտի կարողանայ զինւորագրուել յիշեալ գնդերում: Ռազմափորձի կամ զօրաշարժի առիթով հաւաքուած այդ զօրագնդերը պիտի ենթարկուեն կարգապահական նոյն կանոններին, ինչ որ գործադրուում են կանոնաւոր զօրագնդերի համար:

Վիլայէթներէ ընդհանուր խորհուրդների իրաւասութիւնը ստուգուած է Մարտի 13 ի 1329 (1913) թուի օրէնքի սկզբունքների համաձայն:

Վերջնական մի աշխարհագիրը, որ պիտի ձեռնարկուի Ընդհանուր Վերատեսուչների հսկողութեան տակ ամենակարճ ժամանակամիջոցում, կարելիութեան սահմաններում չ'պիտի մի տարուց անցնի, պէտք է վերականգնի երկու հատուածների տարբեր դաւանանքների, ազգութիւնների և լեզուների ճշգրիտ համեմատական չափը: Մինչ այդ Վանի և Բիթլիսի կօմիտէների (էնջումէն) և Ընդհանուր Խորհրդների ընտրեալ անդամները պիտի լինեն կիսովի՝ մուսուլմաններ և ոչ մուսուլմաններ: Էրզերումի վիլայէթում, եթէ վերջնական աշխարհագիրը չ'կազմուի մի տարուայ ժամանակամիջոցում, Ընդհանուր Խորհրդի անդամները նոյնպէս պիտի ընտրուեն հաւասարութեան հիմունքով, ինչպէս վերոյիշեալ երկու վիլայէթներում: Սըվազի, Խարբերդի և Դիարբեքիւրի վիլայէթներում Ընդհանուր Խորհուրդների անդամները այժմուանից պիտի ընտրուեն համեմատութեան սկզբունքի հիմունքով: Դրա համար, մինչև վերջնական աշխարհագիրը, ընտրող մուսուլմանների թիւը պիտի որոշուի վերջին ընտրութեան հիմք ծառայող ցուցակների համաձայն, իսկ ոչ մուսուլմանների թիւը պիտի նշանակուի այն ցուցակներով, որոնք կ'ներկայացուեն իրենց հասարակու-

թիւներից: Բայց եթէ նիւթական դժուարութիւններն այս ժամանակաւոր ընտրողական արտեմը դարձնեն անգործ-նական—Ընդհանուր վերատեսուչները իրաւունք ունեն տալ ազդեկ երեք վիլայէթների՝ Սրվազի, Սարբերզի և Դիրբերքի Ընդհանուր Խորհրդների աթոռների բաշխման համար մի այլ համեմատական չափ, որն աւելի է համա-պատասխանում նոյն վիլայէթների ներկայ կարիքներին և պայմաններին:

Այն բոլոր նահանգներում, որտեղ Ընդհանուր Խոր-հորդները պիտի ընտրուեն համեմատական սկզբունքի հիմունքով, փոքրամասնութիւնը պիտի ներկայացուցիչ ունենայ կօմիտէի մէջ (էնջիւմէն):

Եթէ ընդհանուր վերատեսուչները չեն տեսնում ար-գելաութիւններ, պիտի գործադրուի հաւասարութեան սկզբ-բունք, մուսուլմանների և ոչ մուսուլմանների մէջ, երկու հատուածների ռաիկանական և ժանդարմերիական զինու-թագրման նկատմամբ այն չափով, ինչ չափով որ պաշտօ-նատեղերը կ'թափուրանան:

Երկու հատուածներում հաւասարութեան նոյն սկզբ-բունք պիտի գործադրուի, որչափ հնարաւոր է, բոլոր միւս հանրային պաշտօնէութեանց բաշխման ժամանակ:

Դաշն 26-ն յունուարի 1914 թ.

ՊՕՂՈՍ ՆՈՒՐԱՐ ՓԱՇԱՅԻ ՆԱՄԱԿԸ

Times-ի խմբագրին:

Պարոն Խմբագիր.

Մօտաւորապէս մի տարի առաջ, երբ բարենորոգում-ների խնդիրը նորից սկսուում էր դրուել Եւրոպայի առաջ, դուք ստացաք մի նամակ, ուր ես ուղղել էի ձեզ, հարցը իր իսկութեան մէջ պարզաբանելու համար և լաւ ճշտելու թիւրքահայերի պտհանջների ընդթիւր, որոնց դատը պաշտ-պանելու համար ես ստացել էի յանձնարարութիւն: Հեր-քելով աւելի կամ պակաս ցնորական հայեցակէտերը, որ վերագրում էին նրանց, ես բարցարձակապէս յայտարարե-